

- * Cur aliquem laudas et per tua carmina fraudas? 65
 * Os decet ut claudas¹ nec laudando tibi plaudas.
- * Cum² aliquem pingis hominum, preconia fingis;
 * Te non constringis, veluti canis ulcera lingis.
- * Non homines tales sunt, promit vox tua quales;
 * Laudes vocales fugiens acquire reales! 70
- * Laudibus insistis, viciis minimeque resistis;
 * Moribus obsistis, nugis excedis³ in istis.
- * Cum sis⁴ mortalis, procul absit laus animalis!
 * Ne laudes victum viciorum compede strictum!
 * Est grave delictum laudantis inutile dictum. 75
- * Lauda victorem, quem constas⁵ habere favorem:
 * Laudis amatorem laus reddit deteriolem.
- * Morti vicinum ne laudès quem peregrinum!
 * Flendo roga dominum⁶! bibe⁷ limpham! desere vinum!
- * Est tua laus mala fraus; miseros laudare recusa! 80
 * Pacificè retice⁸! nulli noceat tua musa!
- Factus es enormis, satur inter dolia dormis:
 Est caro deformis tua⁹, vestis curta, biformis.
- Qui bene, qui caute, poteras qui vivere laute,
 Defluis incaute: ratis es¹⁰ sine remige¹¹ naute. 85
- Te cecidisse gemens et queque superflua demens
 Sis bonus et clemens, turgida membra premens.
- Te semper vehemens dolor urgeat ob mala, que mens,
 Concepit demens; suffer et esto tremens!
- Aufer onus¹² prisce macule, flens et resipisce! 90
 Perpetuam glisce¹³ vitam, bene vivere disce!
- Quidquid¹⁴ obest¹⁵ adimens caveat¹⁶ discreta mori mens,
 Peccatum perimens, spe comitante timens.
- Ad deceptricem non accedas¹⁷ meretricem:
 commaculatricem tangere sperne picem! 95

1) 'laudas' P. 2) 'Cur' LP. 3) 'exedis' L. 4) 'scis' L.
 5) So PG; 'constas' aus 'constat' korr. L. 6) 'deum' P. 7) 'bibere' P.
 8) 'retite' P. 9) 'Est tua def. caro' P. 10) 'est' LP. 11) 'ratis
 es sine remi-' auf Rasur G. 12) 'honus' GP. 13) 'glisse' L.
 14) 'Quicquid' L. 15) Aus 'abest' korr. G. 16) 'caveas' P.
 17) 'accedat' durch übergeschr. s korr. L.